

საერთო სამაგისტრო გამოცდა

სამაგისტრო პროგრამებზე ჩარიცხვის აუცილებელი პირობები. საქართველოს ყველა უმაღლესი საგანმანათლებლო დაწესებულების ნებისმიერ სამაგისტრო პროგრამაზე (გარდა საღვთისმეტყველო, საშემსრულებლო ან/და სასპორტო საგანმანათლებლო სპეციალობებისა) სწავლის გაგრძელების აუცილებელი პირობაა თითოეული მსურველის მიერ სულ მცირე ორი გამოცდის ჩაბარება. ეს გამოცდებია: საერთო სამაგისტრო გამოცდა (სსგ) და უმაღლესი საგანმანათლებლო დაწესებულების მიერ დანიშნული გამოცდა/გამოცდები (გამოცდა სპეციალობაში, გამოცდა უცხოური ენაში და სხვ.). სსგ-ის ჩატარებაზე პასუხისმგებელია შეფასებისა და გამოცდების ეროვნული ცენტრი, ხოლო დანარჩენ გამოცდებზე - შესაბამისი უმაღლესი საგანმანათლებლო დაწესებულება.

სსგ-ის ფუნქციები. სსგ, პირველ რიგში, ამოწმებს აპლიკანტის მიერ მოცემულ პროგრამაზე სწავლის გაგრძელების მინიმალურ შესაძლებლობებს (უზრუნველყოფს მინიმალურ სტანდარტს); გარდა ამისა, სსგ-ზე მიღებული შედეგები შესაძლებელია გათვალისწინებული იყოს მოცემულ სამაგისტრო პროგრამაზე ჩარიცხვის პროცესში; და ბოლოს, სსგ-ის შედეგების მიხედვით ხდება სახელმწიფო დაფინანსების (გრანტის) განაწილება.

სსგ-ის ტესტის შემადგენელი ნაწილები, ჩატარების პერიოდი და ხანგრძლივობა.

სსგ-ის ტესტი შედგება ოთხი ნაწილისაგან. ეს ნაწილებია:

- წაკითხვის გააზრება;
- ანალიტიკური წერა;
- ლოგიკური მსჯელობა;
- რაოდენობრივი მსჯელობა.

სსგ, როგორც წესი, ტარდება ივლისის თვეში. გამოცდისთვის, ჩვეულებრივ, გამოყოფილია ორი დღე. პირველ დღეს ჩატარდება გამოცდა წაკითხვის გააზრებასა და ანალიტიკურ წერაში, მეორე დღეს კი ლოგიკურ მსჯელობასა და რაოდენობრივ მსჯელობაში. გამოცდის ხანგრძლივობა თითოეული ნაწილისათვის 70 -75 წუთია.

სსგ-ის დავალებათა რაოდენობა ტესტის ნაწილების მიხედვით, კომპეტენციის მინიმალური ზღვრები, შეფასების სისტემა და სამაგისტრო პროგრამაზე ჩარიცხვის კონკურსში მონაწილეობის გაგრძელების აუცილებელი პირობა. საგამოცდო ტესტის წაკითხვის გააზრების ნაწილში ნავარაუდევია 20-23 დავალების შეთავაზება, ანალიტიკურ წერაში - 2 დავალების, ლოგიკური მსჯელობის ნაწილში - 17-ის, ხოლო რაოდენობრივი მსჯელობის ნაწილში - 20-ის.

კომპეტენციის მინიმალური ზღვარი თითოეულ ნაწილში, გარდა რაოდენობრივი მსჯელობისა, შეადგენს ამ ნაწილისათვის განსაზღვრული მაქსიმალური შეფასების 30%-ს, ხოლო რაოდენობრივ მსჯელობაში - ამ ნაწილისათვის განსაზღვრული მაქსიმალური შეფასების 25%-ს. მოცემულ ნაწილში აპლიკანტის მიერ კომპეტენციის მინიმალური ზღვარი ჩაითვლება გადალახულად, თუ მან დააგროვა ამ ნაწილის შესაბამისი მაქსიმალური შესაძლო ქულის დადგენილ ზღვარზე მეტი.

სსგ-ის ტესტის სამი ნაწილის (წაკითხულის გააზრება, ლოგიკური მსჯელობა, რაოდენობრივი მსჯელობა) თითოეულ დავალებას ახლავს 5 სავარაუდო პასუხი, რომელთაგან მხოლოდ ერთია სწორი. თითოეული დავალება ფასდება 1, 0, ან -0,2 ქულით. სწორი პასუხის გაცემისათვის იწერება 1 ქულა, თუ არცერთი პასუხი არ არის მონიშნული, იწერება 0 ქულა, ხოლო არასწორად გაცემული პასუხისათვის აკლდება 0,2 ქულა (ანუ, იწერება -0,2 ქულა). რაც შეეხება ტესტის ანალიტიკური წერის კომპონენტის ორ დავალებას, თითოეული მათგანი სწორდება წინასწარ დადგენილი შეფასების სქემის მიხედვით.

სამაგისტრო პროგრამაზე ჩარიცხვის კონკურსში მონაწილეობის გაგრძელებისათვის აუცილებელია სსგ-ის ბარიერის დამლევა, რაც გულისხმობს საგამოცდო ტესტის 4 ნაწილიდან რომელიმე 3-ში მაინც კომპეტენციის მინიმალური ზღვრის გადალახვას. ამასთან, უმაღლეს სასწავლებელს შეუძლია: ა) თვითონ დააწესოს ის 3 ნაწილი, რომელშიც მოითხოვს კომპეტენციის მინიმალური ზღვრის გადალახვას, ბ) მოითხოვოს კომპეტენციის მინიმალური ზღვრის გადალახვა ტესტის ოთხივე ნაწილში, გ) დააწესოს კომპეტენციის უფრო მაღალი მინიმალური ზღვარი ტესტის ერთი, რამდენიმე, ან ყველა ნაწილისათვის.

სამაგისტრო პროგრამაზე ჩარიცხვის პრინციპი. ჩარიცხვის პროცესში უმაღლეს საგანმანათლებლო დაწესებულებას უფლება აქვს სსგ-ის ბარიერგადალახული აპლიკანტები სამაგისტრო პროგრამაზე ჩარიცხოს მხოლოდ მის მიერ დანიშნული გამოცდის/გამოცდების შედეგების მიხედვით ან სსგ-ის შედეგებისა და მის მიერ დანიშნული გამოცდის/გამოცდების შედეგების მიხედვით. იმ შემთხვევაში, თუ უმაღლესი სასწავლებელი საჭიროდ მიიჩნევს ჩარიცხვის პროცესში სსგ-ის შედეგების გათვალისწინებას, სასწავლებელი სსგ-ს და გამოცდას სპეციალობაში ანიჭებს გარკვეულ კოეფიციენტებს, რომელთა ჯამი 100-ის ტოლი უნდა იყოს. ამასთან, სსგ-სათვის მინიჭებული კოეფიციენტი უნდა იყოს არანაკლებ 35-სა და არაუმეტეს 65-ის ტოლი. სსგ-სათვის მინიჭებული კოეფიციენტი უნდა ნაწილდებოდეს ტესტის ოთხივე ნაწილზე (თითოეული ნაწილისათვის მისანიჭებულ კოეფიციენტს განსაზღვრავს უმაღლესი საგანმანათლებლო დაწესებულება, მაგრამ ეს კოეფიციენტი თითოეული ნაწილისათვის არანაკლებ 5-ის ტოლი უნდა იყოს). სამაგისტრო პროგრამაზე ჩარიცხვის საკონკურსო ქულის დაანგარიშება ხდება შემდეგი პრინციპის მიხედვით: სსგ-ის თითოეული ნაწილისა და უმაღლესი საგანმანათლებლო დაწესებულების მიერ განსაზღვრული გამოცდის/გამოცდების ნორმირებული ქულები (მიღებული შეფასება გაყოფილი მაქსიმალურ ქულაზე) მრავლდება შესაბამის კოეფიციენტებზე და ჯამდება.

საგრანტო ქულის დაანგარიშების წესი. გრანტის მიღების უფლება აქვთ მხოლოდ იმ კანდიდატებს, რომლებმაც წარმატებით გაიარეს სამაგისტრო პროგრამებზე ჩარიცხვის კონკურსი. მაგისტრანტობის მსურველის საგრანტო ქულა წარმოადგენს მის მიერ ტესტის ოთხივე ნაწილში მიღებულ ნორმირებულ ქულათა ჯამს, გამრავლებულს გარკვეულ, ფიქსირებულ, მთელ დადებით რიცხვზე.

გამოცდაზე გასატანი ტესტების აღწერა ტიპების მიხედვით.

წელს საერთო სამაგისტრო გამოცდაზე, მიმართულებების მიხედვით, შეთავაზებული იქნება სამი სხვადასხვა - A, B და C - ტიპის ტესტი. მაგისტრანტობის თითოეულმა მსურველმა ამ სამიდან გამოცდაზე უნდა შეასრულოს მხოლოდ ერთი ტიპის ტესტი.

A, B და C - ტიპის ტესტებიდან თითოეული (როგორც უკვე აღინიშნა ზემოთ) შედგენილი იქნება ოთხი ნაწილისაგან. ეს ნაწილებია: წაკითხულის გააზრება; ანალიტიკური წერა; ლოგიკური მსჯელობა; რაოდენობრივი მსჯელობა. განვიხილოთ ეს ნაწილები ცალ-ცალკე.

წაკითხულის გააზრება. ტესტის ეს ნაწილი სამივე - A, B და C - ტიპის ტესტში მსგავსია.

ანალიტიკური წერა. გამოცდაზე შეთავაზებული იქნება ანალიტიკური წერის ნაწილის ორი ვარიანტი. პირველი ვარიანტი (A და B ტიპის ტესტებისათვის) შედგება ორი კომპონენტისაგან: „თემა მოცემულ საკითხზე“ და „მსჯელობის ანალიზი“, ხოლო მეორე ვარიანტი (C ტიპის ტესტისთვის) - შემდეგი ორი კომპონენტისაგან: „გადაწყვეტილების დასაბუთება“ და „მსჯელობის ანალიზი“.

ლოგიკური მსჯელობა. ტესტის ეს ნაწილი სამივე - A, B და C - ტიპის ტესტში მსგავსია.

რაოდენობრივი მსჯელობა. გამოცდაზე შეთავაზებული იქნება რაოდენობრივი მსჯელობის ნაწილის ორი სხვადასხვა ვარიანტი, რომლებიც განსხვავებული იქნება სირთულის მიხედვით. A და C ტიპის ტესტებში ეს ნაწილი მსგავსია, ხოლო B ტიპის ტესტში - შედარებით რთული.

რეგისტრაციის დროს საგამოცდო ტესტის ტიპის შერჩევა. განაცხადის შევსებისას

აპლიკანტმა აუცილებლად უნდა მიუთითოს ტესტის ის ტიპი, რომელიც შეესაბამება აპლიკანტის მიერ არჩეულ სამაგისტრო პროგრამას. საერთო სამაგისტრო გამოცდაზე აპლიკანტს მოუწევს სწორედ მის მიერ შერჩეული ტიპის ტესტის შესრულება.

გამოცდის ფორმატი. სამაგისტრო გამოცდა ჩატარდება ნახევრად ელექტრონული ფორმატით: მაგისტრანტობის კანდიდატი გამოცდის მიმდინარეობისას ტესტურ დავალებებს მიიღებს სპეციალურ კომპიუტერულ პროგრამაში. აპლიკანტი ტესტური დავალებების შინაარსს გაეცნობა ეკრანზე, ხოლო ტესტურ დავალებებზე სავარაუდო სწორი პასუხების დაფიქსირებას შეძლებს წერილობითი ფორმით, მისთვის გადაცემულ პასუხების ფურცელზე.

მიმართულებათაშორისი დარგები. ეროვნული საკვალიფიკაციო ჩარჩოს მიმართულებათაშორისი დარგების ან სპეციალობების ქვედარგებზე/ სპეციალიზაციებზე, მათი შინაარსის გათვალისწინებით, უმაღლესი საგანმანათლებლო დაწესებულების მიერ შესაძლებელია დადგინდეს საერთო სამაგისტრო გამოცდის ტესტის რამდენიმე ტიპი. ამრიგად, აღნიშნულ სპეციალობებზე შესაძლებელი იქნება ჩარიცხვა სხვადასხვა (წინასწარ დადგენილი) ტიპის ტესტის ჩაბარების შემთხვევაში, თუმცა, თითოეული აპლიკანტი აბარებს მხოლოდ ერთი ტიპის ტესტს.

ამასთან, თუ კონკრეტული სამაგისტრო პროგრამისთვის დადგენილია საერთო სამაგისტრო გამოცდის ტესტის რამდენიმე ტიპი და უმაღლესმა საგანმანათლებლო დაწესებულებამ სსგ-ს მიანიჭა კოეფიციენტები (იხ. სამაგისტრო პროგრამაზე ჩარიცხვის პრინციპი), მაშინ შესაბამის სამაგისტრო პროგრამაზე ადგილების რაოდენობა განისაზღვრება ტესტის თითოეული ტიპის შესაბამისად, ცალ-ცალკე. ასეთ შემთხვევაში, თუ მოცემულ სამაგისტრო პროგრამაზე სსგ-ს ტესტის ტიპის შესაბამისად ადგილები არ შეივსო, მაშინ დარჩენილი ადგილების შევსება ხდება შემდეგი წესით:

ა) თუ პროგრამისათვის განსაზღვრულია სსგ-ს ორი ტიპის ტესტი, ადგილები შეივსება იმ კანდიდატებით, რომლებმაც ჩააბარეს სსგ-ს მეორე ტიპის ტესტი;

ბ) თუ პროგრამისათვის განსაზღვრულია სსგ-ს სამი ტიპის ტესტი, ადგილები შეივსება ამ პროგრამისთვის დადგენილი სსგ-ს ტესტის ტიპებისთვის წინასწარ განსაზღვრული ადგილების პროპორციულად იმ მაგისტრანტობის კანდიდატების მიერ, რომლებმაც ჩააბარეს საერთო სამაგისტრო გამოცდის სხვა ტიპის ტესტი. თუ პროპორციულად ადგილების სრულად გადანაწილება შეუძლებელია, მაშინ გადანაწილების შემდეგ დარჩენილი ადგილები შეივსება უმაღლესი საგანმანათლებლო დაწესებულების მიერ დადგენილი პროცედურის შესაბამისად.

საგამოცდო-საიდენტიფიკაციო ბარათები. შეფასებისა და გამოცდების ეროვნული ცენტრი აღარ უზრუნველყოფს მაგისტრანტობის კანდიდატებისთვის საგამოცდო-საიდენტიფიკაციო ბარათების დაბეჭდვას და გადაცემას. მაგისტრანტობის კანდიდატები რეგისტრაციის ვებგვერდის სპეციალური პროგრამის მეშვეობით, მათ ელექტრონულ ფოსტაზე გაგზავნილი კოდის გამოყენებით, თავად შეძლებენ შესაბამისი საგამოცდო-საიდენტიფიკაციო ბარათების ამობეჭდვას.

ტესტის ტიპის შეცვლა. მაგისტრანტობის კანდიდატს აქვს უფლება საერთო სამაგისტრო გამოცდაზე რეგისტრაციის ვადის დასრულების შემდეგ შეცვალოს სარეგისტრაციო განაცხადში მითითებული საერთო სამაგისტრო გამოცდის ტესტის ტიპი. ტესტის ტიპის შეცვლა შესაძლებელია 7 მაისის 18:00 საათამდე.

საგრანტო კონკურსი. სახელმწიფო გრანტი გაიცემა სსგ-ის შედეგების მიხედვით მხოლოდ აკრედიტებულ სამაგისტრო პროგრამებზე ჩარიცხულთათვის. ამასთან, კონკურსში გამარჯვებული ის აპლიკანტები, რომელთაც სურვილი აქვთ გააგრძელონ სწავლა ისეთ სამაგისტრო პროგრამებზე, სადაც სწავლის ღირებულება არ აღემატება 2250 ლარს, სწავლის ორი წლის მანძილზე ისინი ფინანსდებიან სრულად, ხოლო დანარჩენ შემთხვევებში გამარჯვებულ აპლიკანტებს გრანტის სახით წელიწადში (სწავლის ორი წლის მანძილზე) ეძლევათ 2250 ლარი. დადგენილია 12 საგანმანათლებლო მიმართულება. თითოეული მიმართულებისათვის განსაზღვრულია მთელი თანხის ის ნაწილი, რითაც ეს მიმართულება დაფინანსდება. მთელი თანხის 39,96% თანაბრად გადანაწილდება მიმართულებებზე (თითოეული მიმართულებისათვის ეს შეადგენს 3,33%-ს), ხოლო დარჩენილი 60,04% კი განაწილდება ე.წ. პრიორიტეტების მიხედვით. საერთო ჯამში თითოეული მიმართულებისათვის გამოყოფილი თანხა განისაზღვრება ამ თანხების ჯამით. საგრანტო კონკურსში ერთმანეთს შეეჯიბრებიან მხოლოდ ის აპლიკანტები, რომელთა მიერ არჩეული სამაგისტრო პროგრამები ერთსა და იმავე მიმართულებას

მიეკუთვნება, რაც მაქსიმალურად გამორიცხავს იმის საშიშროებას, რომ (ასეთი სისტემის არარსებობის შემთხვევაში) შესაძლოა დაფინანსებულიყო მხოლოდ რამდენიმე სპეციალობა, სპეციალობათა დიდი ნაწილი კი დარჩენილიყო დაფინანსების გარეშე. შევნიშნავთ, რომ ყოველ კონკრეტულ მიმართულებაში მოხვედრილ თითოეულ სამაგისტრო პროგრამაზე ჩარიცხვის მსურველები აბარებენ ერთსა და იმავე ტიპის ტესტს, თუმცა არსებობს რამდენიმე სხვადასხვა მიმართულება, სადაც ერთი და იმავე ტიპის ტესტი ბარდება.

ქვემოთ მოცემულ ცხრილში წარმოდგენილია სახელმწიფოს მიერ გამოყოფილი მთელი საგრანტო თანხის განაწილება როგორც თანაბარი პრინციპით, ასევე პრიორიტეტების მიხედვით. ამავე ცხრილში ყოველი კონკრეტული მიმართულებისათვის მითითებულია სსგ-ის ტესტის ის ტიპი, რომელსაც აბარებენ მოცემულ მიმართულებაში მოხვედრილ სამაგისტრო პროგრამებზე ჩაბარების მსურველები.

მიმართულება	ტესტის ტიპი	თანხის განაწილება		
		მთელი თანხის 39,96%-ის თანაბრად განაწილება	მთელი თანხის 60,04%-ის განაწილება მიმართულებების მიხედვით	მთელი თანხის პროცენტი
საბუნებისმეტყველო მეცნიერებანი (გარდა ჯანდაცვა	A	3,33%	9,07%	12,40%
ჯანდაცვა	A	3,33%	1,17%	4,50%
ჰუმანიტარული	A	3,33%	6,07%	9,40%
ხელოვნება	A	3,33%	0,67%	4,00%
აგრარული	A	3,33%	2,17%	5,50%
განათლება	A	3,33%	6,07%	9,40%
სოციალური მეცნიერებები (გარდა ეკონომიკისა)	A	3,33%	8,57%	11,90%
საინჟინრო (გარდა ინფორმაციული	B	3,33%	9,57%	12,90%
ინფორმაციული ტექნოლოგიები	B	3,33%	5,87%	9,20%
ბიზნესი და ეკონომიკა	B	3,33%	5,07%	8,40%
მათემატიკა და ფიზიკა	B	3,33%	2,67%	6,00%
სამართალი	C	3,33%	3,07%	6,40%

შეფასებისა და გამოცდების ეროვნული ცენტრი მაგისტრანტობის თითოეულ კანდიდატს უსურვებს წარმატებას საერთო სამაგისტრო გამოცდაზე!

145 - ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტი

მისამართი: თბილისი, ი. ჭავჭავაძის გამზ. №53ა

ტელეფონი: 2258243 ფაქსი:

ვებგვერდი: www.sangu.edu.ge

ელფოსტა: info@sangu.edu.ge

საკონტაქტო პირი: ნაფეტვარიძე თამარ; ტელ: 577750095; ელფოსტა: t.napetvaridze@sangu.edu.ge

ინფორმაცია გადასახადის შესაძლო ცვლილების შესახებ: საფასურის ცვლილება არ იგეგმება

ბიზნესის ადმინისტრირება (მენეჯმენტი)

კვალიფიკაცია: ბიზნესის ადმინისტრირების მაგისტრი მენეჯმენტში

მიმართულება: ბიზნესი და ეკონომიკა

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	არა		არა	2250	25	B	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	60	
უცხო ენა	51	დიახ	40	

ეკონომიკა

კვალიფიკაცია: ეკონომიკის მაგისტრი

მიმართულება: ბიზნესი და ეკონომიკა

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	არა		არა	2250	25	B	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	60	
უცხო ენა	51	დიახ	40	

სოციალური და განწყობის ფსიქოლოგია

კვალიფიკაცია: ფსიქოლოგიის მაგისტრი

მიმართულება: სოციალური მეცნიერებები (გარდა ეკონომიკისა)

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	დიახ	16-08-2023	დიახ	2250	25	A	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	70	
უცხო ენა	51	დიახ	30	

ფსიქოდიანოსტიკა და კონსულტირება

კვალიფიკაცია: ფსიქოლოგიის მაგისტრი

მიმართულება: სოციალური მეცნიერებები (გარდა ეკონომიკისა)

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	დიახ	04-04-2026	დიახ	2250	20	A	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	70	
უცხო ენა	51	დიახ	30	

საქართველოს ისტორია

კვალიფიკაცია: ჰუმანიტარულ მეცნიერებათა მაგისტრი (სპეციალობა: ისტორია, სპეციალიზაცია: საქართველოს ისტორია)

მიმართულება: ჰუმანიტარული

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	დიახ	04-07-2026	დიახ	2250	10	A	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	70	
უცხო ენა	51	დიახ	30	

ენათმეცნიერება

კვალიფიკაცია: ჰუმანიტარულ მეცნიერებათა მაგისტრი სპეციალობით ფილოლოგია სპეციალიზაციით ქართველური ენათმეცნიერება

მიმართულება: ჰუმანიტარული

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	არა		არა	2250	10	A	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	70	
უცხო ენა	51	დიახ	30	

ქართული ლიტერატურის ისტორია

კვალიფიკაცია: ჰუმანიტარულ მეცნიერებათა მაგისტრი (სპეციალობა: ფილოლოგია, სპეციალიზაცია: ქართული ლიტერატურის ისტორია)

მიმართულება: ჰუმანიტარული

სწავლების ენა	აკრედიტებულია	აკრედიტ. ვადა	ფინანსდება	საფასური	ადგილები	ტესტის ტიპი	ადგილების რ-ბა ტესტის ტიპის მიხედვით
ქართული	დიახ	07-08-2020	დიახ	2250	10	A	

გამოცდა	მინიმალური ზღვარი %	სავალდებულოა მინიმალური ზღვარის გადალახვა	კოეფიციენტი	პრიორიტეტი
წაკითხულის გააზრება	30			
ანალიტიკური წერა	30			
ლოგიკური მსჯელობა	30			
რაოდენობრივი მსჯელობა	25			
სპეციალობა	51	დიახ	70	
უცხო ენა	51	დიახ	30	